

## 3 Son

Yesu wel wiak kutömweri sēen wē krismaki 60 pōta ök won sēen Sonök pep kot epwer omēn namp yapinte Kaias pimēen retēng ē mena. Pep epwer pōt Kaiasēn yaya mēak Taiotrepisē utpet ēautaan pepanöm mēea.

### **Pōt epēl wia.**

Ngōn ngēs rēaut 1-4

Kaiasē ngōnte 5-8

Taiotrepisre Temitrias pōaarē ngōnte 9-12

Ngōn mēēt 13-15

<sup>1</sup> O Kaias nemop, ne ngōnēnē wotōök nampök pep epwer nimēen retēng ē yaningk. Ne niin lup sant yaalni.

<sup>2</sup> Nemop, ne nimēen Anutuun kimang yemak. Ni könre lup ompyaō wēen pi tapēl omnant nim yaēn pipot ompyaō sēere nimēntta kēlangōnre yau-man won omēeten kent yaalnē.

<sup>3</sup> Kar narōak nim naēaan wais ni ngōn kēeta ēnēm yaēn pēl neeaut. Pēl ēēn ne kat wiak ērēpērēp kēsang ēaut. Yaap, nim ngōn kēeta ēnēm yaēn pōten ne ēwat wē.

<sup>4</sup> Nem ruurō pit ngōn kēeta ēnēm yaēen pōt ne ya kē yes. Omēn muntatēen ya kē yesa pōtak il newaspan.

### *Kaias pi ya ompyaō mēneima*

<sup>5</sup> Nemop, ni ingre mor saurō ompyaō yaalmēan pōt, nimtē naēaanōrō pēen won, kamaatēaanōrōeta yaalmēan pōt ompyaō.

<sup>6</sup> Omën pöröak nim pitëmëen lup sant elmäuten ten ingre moröröen ök niaan kat wiaut. Pötaanök ni Anutuun kön wieë karurö kan kourakëen kaamök elmëak wes mëëmë pöt ompyaö.

<sup>7</sup> Pit Yesu pim yaat mëmpö yesem ngönën köpëlöröa naëaan sum naön yaauro.

<sup>8</sup> Omën ke pilörö pitring top äak ya mëmpnaan kaamök elmëëpa. Pël ëen ngön këet ulöl sëpnaan.

*Taiotrepis pi utpet yaaup ën Temitrias pi ompyaö yaaup*

<sup>9</sup> Ne ar ingre moröröaan ngön nent retëng äaut. Pël äautak Taiotrepis pi arim wotöök öpënëak yaaupök nem ngönte kat nawiin yaë.

<sup>10</sup> Pötaanök ne arim naë wais oröak pim wëwëeta ngönte amaat. Pi nemëen ngön ke nampöt paspas yaaup. Pël äak pöt pëen won. Pimëntta ingre mor sa narö ka nantëaan waisën pim kaatak wa naulmëen yaaup. Pël ëen omnaröak pitëm kaatë wa ulmëen pöt nga mëak omën pël ëa pörö ingre moröröa naëaan waö ë yamëaup.

<sup>11</sup> O nemop, ni omnarö utpetat yaëen ënëm elmëëngan. Ni omën ompyaut wël äak ëëm. Omën ompyaö yaë pipop Anutuu omnamp. Utpetat yaë pipop Anutuun kön nawiin yaë.

<sup>12</sup> Omnaröak Temitrias piin ping wesak ya. Pi ngön këeta ënëm yaëen wëwë ompyaö pöt tekeri yes. Pël ëen nookta piin ping wesak yak. Ar neen ëwat wë. Nem ngön epët yaapët.

*Ngön mëet*

<sup>13</sup> Ne niin ngön kësang ök niamaatak pepatë retëng ëëmaaten kaaö.

14 Nem kentöök teëntom pan naë wais niiring ngönngön apëaaten kent yaë.

15 Ni mayaaptaring öm. Omën ngöntre kar eporöak yowe yenia. Ën nuuk nem yoöre ërëp epët ngöntre karuröen mam.

[Yok pi tapët.

Ne nim pepap, Son.]

**NGÖNËN PEPEWER**  
**The New Testament in the Weri Language of Papua**  
**New Guinea**  
**Nupela Testamen long tokples Weri long Niugini**

copyright © 1984 Wycliffe Bible Translators, Inc.

Language: Weri

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 1 Oct 2024 from source files dated 31 Aug 2023

ec1ac06d-1c8c-5be3-8326-dcf0ceacd4c2